



39155

I Mag. St. Dr. P

Teol. 2886

*Gdowski Sigismundi: Quaestio de gratiae
divinae auxiliantis efficacia.*

Bq. I. 10 m

QVÆSTIO

DE

GRATIÆ DIVINÆ

AVXILIAN-TIS EFFICACIA.

A

Frē. SIGISMUNDO GDOWSKI Carmelita,
S. T. Bacalau-reo, publicè in Alma Academia Cra-
couiē. ad disputandum proposita pro loco, inter
S. T. Bacalau-reos eiusdem florentissimæ
Academix assequendo.

Præside Admodum Rñdo Domino,

MARTINO CAMPIO VADOVIO, S. T. Doctore ac
Professore Ordinario, S. Floriani Præposito. Theo-
logicę facultatis in alma vniuersitate Decano.



C R A C O V I Æ,

In Officina Typogr: Matthię Andreouierſis,
Anno D. 1618.

m.

03. 1. 10.



Fasciola hic Circus, teres isthæc tenia Præsul.
Te celebrem clamant Sarmatia in populis.
Sic præclara rotundatur virtus, quin olympus
Me castor paribus fertur in axe rotis
Inde tuæ Archetypum virtutis habes, regione
Non nisi ab athereâ hæc nobilitata domus.
Vos olim Alma Fides primos aspexit, an ista,
Cuiusquam alterius fascia quam superam est.

39155
7

Perillustri & Reuerendissimo Dño,
DOMINO IOANNI
GOSTOMSKI,
Abbati Wachoceñ. Mœcenati
ac Patrono singulari:

Fr. SIGISMUNDVS GDOWSKI, S. Th: Baccalau-
reus, Conuentus Carmel: Regens. perpetuū felic.



*Vm nihil cuiquam homini neq; expeti-
bilis, neq; salutaris esse possit, quàm
de Deo rebusq; Diuinis rectè sentire,
vnde manat diuinus cultus & religio;
tùm eâ curâ nullos magis teneri iudico,
quàm eos qui se totos vitamq; suam Deo consecrarunt,
quò liberiùs vacui curis, arcana Dei, quantum fas est
peruestigarent, & thesauros siue potentie, siue sapien-
tia, siue bonitatis eius sobriè & religiose perlustrarent.
Quocirca ego quoq; diuino beneficio, in Ordinem non mi-
nùs sanctitate quàm doctrinâ florentem adse'tus, non
latebram ocij aut inertiae quæsiui, sed nostri Ordinis
clarorum virorum (quorum doctrina nobilissimas ple-
nasq; externas Academias illustrat) laudem secutus, se-
dulò in alma Vniuersitate Craconiensi primùm, deinde
etiam Romæ desudauit, vt è diuitem penù sacræ doctri-*

n.e, quantulascunq, opes in ornamentum Ecclesie Dei
ac Ordinis nostri colligerem. Quarum nec vanus osten-
tator, nec ignauus suppressor esse uolo, sed si quid acce-
ptum ab alijs teneo, id in honorem Ordinis nostri liben-
ter confero; non dubitans hoc meum qualecunq, studi-
um, in chytam Academiam Cracouien. in qua primùm
formari cæptum est, probaturum. Accedente præsertim
patrocínio tuo Reuerendiss. Abbas, cuius nomen litera-
tis uiris carum & in honore esse optimè scio, non solum
propter nobilissimæ familie vestre splendorem; sed eti-
am propter ingenij tui, naturæ, morum suauitatem; &
animum in cultores literarum propensum ac beneficium.
Sensi ego cùm Romæ fuisses, nihil tibi iucundius acci-
dere potuisse, quàm si homines beneficijs afficias, & quia mi-
hi etiam radius beneficentiæ tuæ affulsit, hanc ego in-
genij mei scintilulam in nominis tui illustris honorem
volui apparere. Quam tu fauore excipiens, fouebis &
ut magis ac magis splendescat, efficies Vale. Datum in
Carmelo nostro Crac. Die 3. Sept. Anno D. 1618.

Admodum Rñdo Patri,
SIGISMUNDO GDOWSKI,
SACRÆ THEOL: BACAL.

O Quàm auspicatò, nunc Academicam
Conscendis exedrum, egregium decus
Carmelitana ex æde GDOWSKI
Atq; aliis imitatio alta.

Quamuis, profanis carminibus, nefas.
Cannâq; molli, Concilio Iovis
Rebusq; Sacratîs, hiulcum
Aut aliquid Batavum sonare.

Ausim peracri iudicio tuo
Innixus, vnum hoc velle precando
Succedat hæc nostri Lycæi
Consociatio aui secunda,
Verum est quod auream solis in orbitam
Optat tueri, qui modò non habet
Visum in pupilla nocturna
Phæbo etenim hic oculus retortus.

At tu per altos, ætheris ignei
Tractus, ab aura, non nisi olympiâ
Tendens inaccessos Deorum
(Ut potis est homini penateis)
Teruadis, istamq; ingenij indolem
Mentemq; magnam nostræ Academiæ

*Das, dedicas; sic ille quondam.
Cazimirà genitus Joannes
Cum vota apud vos deposuit, bonum &
Pulchrum esse duxit, sese Academicis
Ut Doctor & doctus Professor
Inserere Ordinibus, locoq;
Dignari, Anhelas, tu quoq; honoribus
Hus insigniri, nusquam etenim nisi
Hoc in loco doctrina virtus
Ut Statione sua locantur
Cedat, secundis ominibus tibi
Hic nixus, ornet, teq; Academia
Et tu vicissim ornantem adorna
Sic operæ mutuae increbrescunt.*

M. Jacobi Vitellij.

QVÆSTIO

DE GRATIÆ DIVINÆ AVXIL- LIANTIS EFFICATIA.

Vtrum Gratia actualis Diuini auxilij tanquam immediatum diuisum diuisa in sufficientem & efficacem, propter efficaciam supra sufficientem superaddat, & includat in sui intrinsecâ naturâ, qualitatem & motionem, ex intrinsecâ naturâ, Phisicè prædeterminantē voluntatem nostram ad actus ipsius liberos, ita, vt ea posita voluntas nostra ei non possit non consentire.

Conclusio I.

Certum omninò est Gratiã auxiliãntem in sufficientem & efficacem rectè & necessãrio diuidendam esse, vt in membrũ diuidentia: & præter sufficientem, efficacem omninò ponendam, ad eliciendos de facto actus ordinis supernaturalis voluntatis nostræ.

Corol-

Corollaria.

1. *Gratia sufficiens ad exercenda opera supernaturalia necessaria est: conferturq; à Deo omnibus, ad hoc ut possint si velint bene ac supernaturaliter operari, nūquam tamen habet coniunctum sibi effectum ad quem conceditur nobis à Deo: quod non est ex sui insufficientia sed ex libertate voluntatis renitentis.*
2. *Efficax verò gratia non solum conceditur à Deo ad hoc ut det posse operari, sed etiam ut det actualem operationem, ac proinde facit ut faciamus, semperq; habet annexum sibi nostrum consensum.*
3. *Hæc gratia efficax, prout à sufficiente condistinguitur, non est ipsa libera hominis operatio, sed est principium operandi, quo homo impellitur & applicatur de facto ad consentiendum.*
4. *Licet autem non possit præscindere à libero consensu, non propterea solum importat gratiam sufficientem, ut habet adiunctum nostrum consensum: sed importat speciale principium nostri consensus liberi, quod non solum sit eius effectivum, ut gratia sufficiens, sed re ipsa illum effecturum.*
5. *Non tamen dicendum est duplicem hanc gratiam differre in hoc, quod sufficiens datur ad posse operari, efficax vero ut operemur, solum enim differentia est quod in habente efficacem Deus certo, præscit actum futurū, & absoluta ac efficaci voluntate ad hoc illam præstat:*

*præstat : in habente vero sufficientem non futurum,
quod non est ex auxilij insufficientia, sed ex defectu
nostræ libertatis.*

Conclusio II.

Gratia efficax iuxta doctrinam D. Augustini, solum consistit in motionibus gratiæ excitantis siue præueniētis quibus Deus facit, vt voluntas consentiat, hoc est in vocatione & excitatione mentis, & impulsu voluntatis.

Corollaria.

1. *Etsi Gratia efficax cōsistat in sola vocatione, seu Gratia excitante & præueniente, & non includat intrinsecè comitantem & adiuantem, vt sic, non tamen debet negari quin illam connotet, quatenus ipsa gratia efficax facit, vt faciamus non soli sed adiuti.*
2. *Ideo improprie & falso quidam dicunt, homines vtendo auxilio sufficienti, posse impetrare efficax, impossibile enim est aliquem vti sufficienti, nisi præmotus iam sit auxilio efficaci, nam vsus gratiæ sufficientis consistit in actionibus voluntatis.*
3. *Cum nulla actio supernaturalis voluntatis possit esse in nobis, quin sit ex auxilio præuenienti, quo Deus faciat vt velimus, quod est ipsum auxilium efficax, nullus potest esse in nobis gratiæ sufficientis vsus, qui iam non pendeat a gratia efficaci, atque adeò eo non impetrabitur auxilium efficax.*

4. *Improprie etiam aliqui dicunt, auxilium efficax tribui ad id sum gratiae praeueniens, cum ipsum auxilium efficax sit ipsa gratia praeueniens.*
5. *Auxilium efficax eius qui operatur non distinguitur re a sufficiente existente in eodem, nam ipsummet auxilium quod est efficax ad faciendum ut voluntas faciat, est etiam sufficiens ad eundem effectum, non enim posset illum de facto causare, nisi ad illum causandum esset sufficiens.*

Conclusio III.

ETiam si gratia efficax praemoueat & impellat voluntatem nostram ad consensum, non tamen est motio physice voluntatem nostram praedeterminans, ita ut ea posita voluntas nostra ei non possit non consentire.

Corollaria.

1. *Homo qui mouetur ad consentiendum per gratiam efficacem potest illi resistere & non consentire non tantum in sensu diuiso, sed etiam in composito si consideretur in ratione qualitatis & motionis: Neq; ut sic est talis naturae cui voluntas creata non possit dissentire, adhuc ipsa manente in voluntate.*
2. *Si tamen consideretur in ratione efficacis siue ut efficax est, qui per eam mouetur non potest illi dissentire seu resistere, in sensu composito, ex talis motionis efficacia, siue manente ea in ratione gratiae efficacis.*
3. *Effi*

3. *Efficacia à qua motio Dei antecedens & causans nostrum consensum, dicitur efficax; non est gradus illius essentialis, neq; passio ab ea inseparabilis, sed potius ratio quaedam accidentalis, sine qua talis motio esse potest.*
4. *Gratia efficax si sumatur pro realitate Diuinae motionis prædeterminantis, cum imponat voluntati necessitatem omnino antecedentem, & nullo modo pendentem ab eius libero consensu, ac proinde contrariam libertati illius, non potest stare cum voluntatis libertate & indifferentiâ.*
5. *Si vero sumatur prout efficax est, imponit voluntati necessitatem consequentem, & aliquo modo pendentem ab eius libero consensu, proindeque potest stare cum eius libertate, non ideo tamen putandum est voluntatem influere in ipsam gratiam, insluit enim potius cum gratia in consensum liberum quem gratia efficax respicit.*

Conclusio III.

Gratia efficax nihil aliud superaddit supra sufficientem, quam talem gratiæ cum voluntate congruitatem & contemperationem, ex qua consensus non solum esse possit, sed etiam re ipsa futurus sit.

Corollaria.

1. *Hæc gratiæ efficacis congruitas, in proportionem eius ad arbitrium ita consistit, vt & vim quam ipsa habet, quasi*

quasi in actu primo attemperatam aliquo modo ad-
mouendum arbitrium, & simul respectum ad arbitrij
consensum, de facto ex ea & arbitrio futurum, simul
complectatur.

2. Hæc contemperatio gratiæ efficaciæ cum voluntate
talis est, ut ea posita sequatur de facto consensus:
non tamen est vis aliqua prædeterminandi physicè a-
ut moraliter voluntatem, potest enim simpliciter reijci,
ac proinde liberè acceptatur.
3. Neque est realis aliqua Entitas, quæ non operia-
tur in gratia non efficaci, si quidem quæ in actu tem-
pore & secundum vnâ subiecti dispositionem est ef-
ficax, eademmet alio tempore & secundum aliam di-
spositionem erit in efficaci.
4. Sed consistit & in vi morali motionis, suadendi, &
alliciendi, voluntati proportionata, & simul in respe-
ctu ad consensum de facto futurum ex ea si detur.
5. Totalis vero & potissima causa huius efficaciæ in a-
ctu primo est Deus ipse, qui non solum gratiæ voca-
tionem confert, sed etiam talem, quam præuidet esse
actu non carituram, idq. efficaci intentione & pecu-
liari affectu, ut consensus supernaturalis cum ea eli-
ciatur.

Disputabuntur in Lectorio DD. Theolog. Die
Mensis Hora Anno 1618.

Biblioteka Jagiellońska



stdr0016754

